

# INUIT ATAQATIGIIT

## Inatsisartuni



UKA2019/Imm. 58

17. oktober 2019

Mikivisuk Thomassen

**Inuussutissanik immuup sukkuunik akoqanngitsunik pisariaqartitsisunut qanoq akikinnerulersitsisinnaanersugut pillugu misissuinissamik aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi naatsorsorneqassaaq innersuussutit ataasiakkaat aningaasatigut inuiaqatigiinnut kinguneqassanersut.**

(Inatsisartunut Ilaasortaq Justus Hansen, Demokraatit)

Siullermik qujavunga siunnersuuteqartumut, ilumoorpoq inuppasuit immuit sukkuunik sapigallit amerliartorput taakkualu ilaasa piffissaq sivisooq paasisanngilaat immuup sukkuunik sapigaqartuullutik.

Isumaqarpugut immuit sukkuunik sapigallit ilaatigut periarfissakitsuusartut pisiniarfisartakka apequtaallutik, kiisalu immuit sukkuunik sapigallit ulluinnarni pisariaqartsitaat pisiassanut allanut sanilliullugit akisunerujuaannarlutik naak sapigalinnut pisiassat killeqareertartsitigisut.

Ilanngullugu eqqaarusuppara umiarsuaqarfiusuni ukiumut pilersuiffiusuni tamanna aamma ajornartorsiutaammat immuit sukkuunik sapigalinnut ilungersunartumik ingerlasoqartarmat, tamannalu kipiluttunartuusaluni immuit sukkoqanngitsut killilimmik pissarsiarineqarsinnaasarmata ilaatigullu piffissaq sivisooq pisiassaqaqqilernissaannut immuit sukkuunik sapigalinnut ilungersunarsinnaasarlun.

Soorlu taaneqareersoq immuit sukkuunik sapigallit ersiutaat assigiinngitsuusinnaasut tamannalu inuinnarnik toqqaannaq takuneqarsinnaanani isumaqarpugut immuit sukkuunik pisisinnaanissaat ajornannginnerusariaqartoq tassami akisuujunerat takuneqarsinnaavoq. Tamannalu tulluartuunngilaq aaqqinneqartariaqartoq,

Inuit Ataqatigiinnit isumaqarpugut nakorsat uppersaasarnissaannut piffissarujussuaq atorineqarsinnaajumaartoq, taannalu immuit sukkuunik sapigalinnut aamma piffissamik atuinartuussasoq tamannalu pinngitsoortinniarlugu akigitinneqartut aaqqiiffigineqarnissaat piffissaasoraarput.

Taamatut oqaaseqarluta siunnersuut taperserparput ataatsimiititaliamullu susassaartumut innersuullugu.